

մտախոհ լինելով՝ որ այդ մոխրակոյտներուն մէջ
հազարաւոր հայ կեանք կը մաշի՝ զրկուած բնու-
թեան այն հաճոյական վայելից՝ որ երկիրը առատ
կ'ընծայէ սակաւ մի զարգացեալ և աշխատասէր
մշակին:

Ոչ ծառոց հովանի, ոչ պտղատու պարտէզ, ոչ
բանջարանոց, և ոչ սեխեստան, զուրկ են յայսմ
ամենայնէ Թոփթիցիք, ցաւալի վիճակ: Այլ ո՞վ է
այդոր պատճառը: Ըստ իմ կարծեաց եթէ քանի
մի բանիբուն և գործող անձինք բանիւ և գործով
առաջնորդ լինին Նախնիներու գեղացւոց՝ քիչ տա-
րիներու միջոց բոլորովին կերպարանափոխ կը լի-
նին այն տխրատեսիլ և անապատացեալ գիւղե-
րը: Օրինակ կարնան լինել երբեմն անբոյս և ան-
դալարի գիւղերն Տաւրիոյ, յորս առաջ Թաթարք
կը բնակէին, և այժմ Գերմանացիք դրախտ դար-
ձուցին, մոխրակոյտ դէզերը ծածկուեցան անտառ-
ներուն և պարտիզներուն հովանեաց տակ, ան-
գետ և անառու տեղուանք՝ փորեցին քաղցրաջուր
հորեր, յարգածածուկ և խղճատեսիլ ցիր ու ցան
անկանոն հիւղերուն փոխանակ՝ շինեցին կանո-
նաւոր յատակագծի վրայ կարմիր կղմինտրով ծած-
կուած տներ, փոխան ծոյլ Թաթարաց այլանդակ
սայլերուն, որոց լիւռանց անախորժ ճռնչիւնն ա-
կանջ կը խլացընէր, Գերմանացիք թեթեւութաց
սայլեր և կառքեր կը գործածեն, որոց լծուած լայ-
նաքամակ ձիանքն վայելչաձև խամութներով տես-
նողին նախանձն կը շարժեն: Մի և նոյն երկրին
հողագործք, առաջինք իրենց ծուլութեան և ան-
հողութեան համար՝ կարօտութեան մէջ տուայ-
տեալ, մինչդեռ յետինք ժրաջան մշակելով Թաթա-
րաց գետինները, օր աւուր յառաջագիմելով կը ճո-